

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI ISNIN, 18 NOVEMBER 2013, PUKUL 10.00 PAGI**

**Bil. 40**

---

**PERTANYAAN-PERTANYAAN BAGI JAWAB LISAN**

1. PR-1313-L59069  
**Dato' Shamsul Anuar bin Haji Nasarah [ Lenggong ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
  - (a) pendekatan Kementerian bagi menjayakan sasaran pembinaan rumah untuk rakyat; dan
  - (b) bagaimana kedudukan sekarang dan apakah masalah yang dihadapi sekarang.
2. PR-1313-L58720  
**Tuan Lim Lip Eng [ Segambut ]** minta **PERDANA MENTERI** menyatakan jumlah penjawat awam setakat Oktober 2013 mengikut bangsa, jantina, mahasiswa dan bukan mahasiswa. Berapakah daripada bilangan itu perlu ditambah setiap tahun untuk 5 tahun yang akan datang dan alasannya.
3. PR-1313-L58885  
**Tuan Anuar bin Abd. Manap [ Sekijang ]** minta **MENTERI PENGANGKUTAN** menyatakan :-
  - (a) apakah status ASEAN Open Sky Policy sehingga hari ini; dan
  - (b) apakah pro dan kontra polisi ini kepada syarikat-syarikat penerbangan di Malaysia terutama MAS.
4. PR-1313-L58443  
**Datuk Mohd Idris bin Jusi [ Batu Pahat ]** minta **MENTERI PENDIDIKAN** menyatakan :-
  - (a) sehingga setakat ini berapa buah kampus cawangan UITM telah dibangunkan menerusi sistem PFI; dan
  - (b) syarikat manakah yang telah dikurniakan projek tersebut dan bagaimana pembayaran semula kepada modal syarikat dibuat dan berapa jumlahnya.

5. PR-1313-L58063  
**Dr. Mansor bin Abd Rahman [ Sik ]** minta **MENTERI PERDAGANGAN ANTARABANGSA DAN INDUSTRI** menyatakan apakah perancangan Kementerian dalam membangunkan industri terutamanya menggalakkan pertumbuhan IKS di daerah-daerah mundur seperti Sik.
6. PR-1313-L57542  
**Dato' Fauzi bin Abdul Rahman [ Indera Mahkota ]** minta **MENTERI KERJA RAYA** menyatakan :-
  - (a) bilakah Kementerian akan membina Lebuhraya Utama Tengah (Central Spine Expressway-CSE) dan apakah status projek ini; dan
  - (b) adakah Kementerian bercadang untuk membina jalan raya dari Kuantan ke Ipoh melalui Jerantut, Kuala Lipis dan Cameron Highlands, sekaligus membuka Pahang Barat kepada pembangunan yang akan memberi manfaat kepada penduduk setempat.
7. PR-1313-L58586  
**Dato' Noraini binti Ahmad [ Parit Sulong ]** minta **MENTERI KESIHATAN** menyatakan apakah hasil dari strategi dan kempen yang dijalankan oleh kementerian untuk menangani masalah obesiti di Negara ini memandangkan Malaysia masih berada di kedudukan yang teratas dalam masalah obesiti di Asia Tenggara.
8. PR-1313-L57320  
**Tuan William Leong Jee Keen [ Selayang ]** minta **PERDANA MENTERI** menyatakan kejayaan *TalentCorp* menarik warga negara di luar negara kembali berkhidmat di tanah air memandangkan peruntukan RM65 juta untuk program tersebut.
9. PR-1313-L57451  
**Datuk Chua Tee Yong [ Labis ]** minta **MENTERI KEWANGAN** menyatakan bolehkah kementerian mempertimbangkan suatu mekanisme yang telus supaya rakyat dapat menjangka bila subsidi akan dikurangkan terutamanya subsidi bahan api.
10. PR-1313-L57898  
**Dato' Kamarul Baharin bin Abbas [ Telok Kemang ]** minta **MENTERI KERJA RAYA** menyatakan :-
  - (a) dasar dan akta yang dapat menangani kontraktor dan subkontraktor yang gagal menyiapkan projek-projek Kerajaan mengikut spesifikasi dan jadual ; dan
  - (b) berapakah bilangan kes dan kerugian Kerajaan yang dianggarkan akibat kegagalan ini dalam Rancangan Malaysia Ke-10 iaitu rancangan 5 tahun pembangunan Malaysia bagi tempoh 2011-2015.

11. PR-1313-L58291  
**Datuk Jumat bin Idris [ Sepanggar ]** minta **MENTERI KEWANGAN** menyatakan tidak adakah perancangan Kerajaan untuk melonggarkan syarat penerima BR1M yang mana kini diberikan kepada mereka yang isi rumah berpendapatan di bawah RM3,000.
12. PR-1313-L57251  
**Laksamana Pertama Mohamad Imran bin Abd Hamid (B) [ Lumut ]** minta **MENTERI PENDIDIKAN** menyatakan adakah Kementerian boleh menawarkan biasiswa kepada pelajar cemerlang di Mesir yang tiada tajaan dan bagaimanakah kaedah mendapatkannya.
13. PR-1313-L58321  
**Dato' Ahmad Fauzi bin Zahari [ Setiawangsa ]** minta **MENTERI PERTANIAN DAN INDUSTRI ASAS TANI** menyatakan untuk menangani masalah penternak kambing dan lembu yang kecewa akibat penutupan banyak kilang membuat makanan haiwan tersebut. Yang terkini adalah penutupan kilang makanan ternakan Serting di bawah Felda Farm Products Sdn. Bhd.
14. PR-1313-L58390  
**Tuan Su Keong Siong [ Ipoh Timor ]** minta **MENTERI PERTANIAN DAN INDUSTRI ASAS TANI** menyatakan bantuan dan subsidi-subsidi yang di berikan oleh Kerajaan kepada masyarakat petani-petani di negara kita. Sila nyatakan keberkesanan bantuan dan subsidi tersebut untuk membantu masyarakat petani-petani dan juga bilangan bantuan dan subsidi mengikut susunan kaum.
15. PR-1313-L58662  
**Datuk Bung Moktar bin Radin [ Kinabatangan ]** minta **MENTERI PERDAGANGAN ANTARABANGSA DAN INDUSTRI** menyatakan tentang:-
  - (a) impak serta kesan ekoran termeterainya Perjanjian TPPA yang kononnya berdasarkan tuntutan global; dan
  - (b) persaingan antara syarikat-syarikat automobil negara yang membawa kepada penurunan harga kereta tempatan di negara ini.
16. PR-1313-L57408  
**Tuan Wong Chen [ Kelana Jaya ]** minta **PERDANA MENTERI** menyatakan :-
  - (a) mengapa mengikut Seksyen 375 di bawah Kanun Keseksaan rogol yang berlaku antara pasangan yang sudah berkahwin tidak dianggap sebagai rogol; dan
  - (b) adakah kementerian bercadang untuk memotong pengecualian ini di Seksyen 375 di bawah Kanun Keseksaan.

17. PR-1313-L58141  
**Tuan Che Mohamad Zulkifly bin Jusoh [ Setiu ]** minta **PERDANA MENTERI** menyatakan langkah Kerajaan bagi memperkasakan agenda ekonomi Bumiputera khususnya terhadap usaha meraih tahap pertumbuhan tinggi dan menyeluruh termasuk agihan ekuiti seimbang dan memastikan kelompok berpendapatan rendah dapat menikmati faedah daripada pertumbuhan ekonomi.
18. PR-1313-L57562  
**Tuan Hee Loy Sian [ Petaling Jaya Selatan ]** minta **PERDANA MENTERI** menyatakan alasan mengapa Jabatan Peguam Negara tidak mengambil tindakan terhadap OCPD ACP Wan Abdul Bahari dan DSP Jude Pereira berdasarkan hasil siasatan SUHAKAM bertarikh 23 April 2010 berhubung dengan tangkapan lima peguam di Balai Polis Brickfields pada 7 Mei 2009.
19. PR-1313-L58159  
**Dato' Seri Reezal Merican bin Naina Merican [ Kepala Batas ]** minta **MENTERI PENDIDIKAN** menyatakan kemajuan yang dicapai melalui program Trust School setakat hari ini. Mohon diberikan sedikit perincian mengenai konsep Trust School dan bagaimana Kementerian bercadang memperteguh konsep ini di masa akan datang.
20. PR-1313-L57171  
**Dato' Dr. Tan Kee Kwong [ Wangsa Maju ]** minta **MENTERI KEWANGAN** menyatakan mengenai jumlah kutipan cukai dari tahun 2010 sehingga 2012. Adakah benar terdapat penindasan dalam pengambilan tindakan terhadap pembayar cukai daripada perniagaan besar dan kecil sejak kebelakangan ini.
21. PR-1313-L57242  
**Datuk Dr. Haji Abd. Latiff bin Haji Ahmad [ Mersing ]** minta **MENTERI TENAGA, TEKNOLOGI HIJAU DAN AIR** menyatakan Kementerian telah menyediakan Skim Pinjaman Teknologi Hijau (GTFS) sejak tahun 2010 untuk memajukan pembekalan dan penggunaan teknologi hijau. Sejauh manakah sambutan terhadap skim berkenaan dan apakah kejayaan atau impak kepada program teknologi hijau negara.
22. PR-1313-L58874  
**Dato' Mohd Ariff Sabri bin Abdul Aziz [ Raub ]** minta **MENTERI KEMAJUAN LUAR BANDAR DAN WILAYAH** menyatakan:-
  - (a) usaha untuk menyediakan kemudahan pembekalan air ke banyak kampung-kampung di daerah Raub seperti Kg. Ulu Atok, Kuala Atok; dan
  - (b) mohon pihak Kementerian membina jalan-jalan kampung dalam daerah Raub yang masih tidak sempurna.

23. PR-1313-L57670  
**Dato' Haji Irmohizam bin Haji Ibrahim [ Kuala Selangor ]** minta **MENTERI KEMAJUAN LUAR BANDAR DAN WILAYAH** menyatakan :-
- (a) sejauh manakah keberkesanan Pusat Transformasi Luar Bandar (RTC) melaksanakan kelapan-lapan inisiatif yang diperkenalkan; dan
  - (b) dengan adanya Karnival Usahawan Desa, adakah ini salah satu inisiatif dari pihak Kementerian untuk menarik minat golongan muda untuk bergiat didalam bidang perniagaan dan apakah bantuan yang dapat diberikan oleh pihak Kementerian untuk menolong golongan ini bagi memulakan perniagaan.
24. PR-1313-L58895  
**Tuan Ahmad Marzuk bin Shaary [ Bachok ]** minta **PERDANA MENTERI** menyatakan jumlah demonstrasi, memorandum, aduan dan surat kritikan terhadap anggota Suruhanjaya Pilihan Raya (SPR) yang telah diterima sejak Pilihan Raya Umum 1959. Apakah Kerajaan berkeyakinan bahawa anggota SPR pada setiap pilihanraya mendapat kepercayaan awam.
25. PR-1313-L57405  
**Datuk Juslie bin Ajirol [ Libaran ]** minta **MENTERI PERDAGANGAN ANTARABANGSA DAN INDUSTRI** menyatakan dibawah Pelan Induk Perusahaan Kecil Sederhana (2012-2020), apakah perancangan strategik Kerajaan membangunkan PKS supaya lebih berinovasi seperti mana syarikat multi global Google, Yahoo, Twitter mahu Facebook untuk kekal berdaya saing dan berdaya maju dalam ekonomi dunia.
26. PR-1313-L57763  
**Tan Sri Dato' Seri Abd Khalid bin Ibrahim [ Bandar Tun Razak ]** minta **MENTERI KEWANGAN** menyatakan perincian langkah-langkah yang diambil oleh Kerajaan Pusat bagi memastikan sasaran defisit kepada KDNK pada paras 3 peratus menjelang 2015 tercapai termasuk kadar GST (Goods and Services Tax) pada peringkat permulaan.
27. PR-1313-L57136  
**Dato' Takiyuddin bin Hassan [ Kota Bharu ]** minta **PERDANA MENTERI** menyatakan di mana dan bilakah rumah PR1MA akan dibina di dalam Kawasan Parlimen Kota Bharu.
28. PR-1313-L57352  
**Puan Nurul Izzah binti Anwar [ Lembah Pantai ]** minta **PERDANA MENTERI** menyatakan :-
- (a) jumlah bilangan dan rasional penganugerahan kontrak-kontrak pangkalan lapangan minyak dan gas kecil (marginal oil fields) memandangkan Syarikat Petronas mempunyai anak syarikat tersendiri; dan
  - (b) apakah proses dan syarat-syarat dalam penganugerahan kontrak lapangan minyak dan gas kecil.

29. PR-1313-L59079  
**Tuan Haji Ahmad Lai bin Bujang [ Sibuti ]** minta **MENTERI KEMAJUAN LUAR BANDAR DAN WILAYAH** menyatakan adakah pihak Kerajaan akan melaksanakan kemudahan lampu jalan terutama di kawasan rumah-rumah panjang yang telah menerima kemudahan elektrik melalui projek BELB dan jalan masuk kampung di Parlimen Sibuti.
30. PR-1313-L58012  
**Tuan Lim Guan Eng [ Bagan ]** minta **MENTERI KEWANGAN** menyatakan bagaimanakah jaminan Kerajaan Persekutuan untuk bon sukuk 1Malaysia Development Bhd. sebanyak RM5 bilion akan dilangsaikan pinjaman, kadar kupon dan komisyen yang dibayar kepada Goldman Sachs dan adakah jumlah pinjaman mencatat RM38.4 bilion serta presentasi kewangannya.
31. PR-1313-L57344  
**Tuan William @ Nyallau anak Badak [ Lubok Antu ]** minta **MENTERI KEMAJUAN LUAR BANDAR DAN WILAYAH** menyatakan apakah status pelaksanaan rancangan untuk menaik taraf bekas-bekas jalan balak di negeri Sarawak seperti yang telah diperuntukkan di dalam Bajet 2013 serta sejauh manakah ianya akan memberi manfaat kepada penduduk di kawasan luar bandar.
32. PR-1313-L57701  
**Tuan Rozman bin Isli [ Labuan ]** minta **MENTERI SUMBER MANUSIA** menyatakan apakah perancangan segera untuk belia-belia Labuan yang ramai menganggur walhal pemain-pemain industri minyak dan gas menghadapi kekurangan pekerja mahir dan separa mahir yang mendesak pada masa ini.
33. PR-1313-L57738  
**Tuan Haji Hasbi bin Haji Habibollah [ Limbang ]** minta **MENTERI KEMAJUAN LUAR BANDAR DAN WILAYAH** menyatakan bilakah Kementerian akan menyambung perlaksanaan pembinaan Jalan Meritim – Telahak – Buangabai - Pengkalan Rejab - Sungai Poyan Fasa 2 yang terbengkalai sehingga membantutkan pembinaan untuk Fasa 3.
34. PR-1313-L58854  
**Tuan V. Sivakumar [ Batu Gajah ]** minta **MENTERI KEWANGAN** menyatakan jumlah rumah mesra rakyat yang dibina mengikut negeri dan kaum setiap tahun mulai 2010.
35. PR-1313-L58689  
**Dr. Ong Kian Ming [ Serdang ]** minta **MENTERI KEWANGAN** menyatakan gaji tahunan, termasuk elaun dan bonus, pada tahun 2012 untuk CEO MRT Corp, CEO Prasarana Negara, CEO 1MDB dan Pengarah Urusan Khazanah.
36. PR-1313-L57424  
**Dato' Haji Mahfuz bin Omar [ Pokok Sena ]** minta **PERDANA MENTERI** menyatakan berapakah had peruntukan kewangan yang diberikan kepada seorang Menteri untuk menggaji pegawai khas atau penasihat dan berapakah had bilangan pegawai khas dan penasihat yang boleh dilantik oleh seseorang Menteri.

37. PR-1313-L58394  
**Tuan Fong Kui Lun [ Bukit Bintang ]** minta **PERDANA MENTERI** menyatakan langkah yang diambil untuk memperkemarkan urus tadbir setiap Kementerian seperti memperkenalkan penubuhan Jawatankuasa Pilihan dianggotai wakil-wakil dan parti-parti politik di setiap Kementerian bagi mengurangkan bebanan kerja di Parlimen.
38. PR-1313-L58014  
**Tuan Lim Guan Eng [ Bagan ]** minta **MENTERI PENGANGKUTAN** menyatakan nilai pampasan dibayar Kerajaan kepada Syarikat ATES Sdn. Bhd. dan Beta Tegap Sdn. Bhd. bagi mengambil alih sistem AES dan rasionalnya. Nyatakan bilangan dan tapak lokasi baru.
39. PR-1313-L57880  
**Tuan Wilson Ugak Kumbong [ Hulu Rajang ]** minta **MENTERI KEMAJUAN LUAR BANDAR DAN WILAYAH** menyatakan apakah status Program Bekalan Elektrik Luar Bandar di kawasan Hulu Rajang seperti dari Long Menjawab ke Rumah Punam Bah di Daerah Belaga dan Rumah Undi, Sungai Sut ke Rumah Johny Nyengat, Sungai Hulu Sut di Daerah Baleh.
40. PR-1313-L57248  
**Dato' Seri Anwar bin Ibrahim [ Permatang Pauh ]** minta **MENTERI KEWANGAN** menyatakan kewajaran Kerajaan membiarkan kadar hutang negara meningkat daripada 53.8 peratus kepada 54.6 peratus daripada KDNK.
41. PR-1313-L58259  
**Dr. Noor Azmi bin Ghazali [ Bagan Serai ]** minta **MENTERI PENDIDIKAN** menyatakan PTPTN adalah pinjaman khas kerajaan untuk menyambung pelajaran ke peringkat tinggi dan pelajar-pelajar akan mendapat pelepasan jika mendapat kelulusan kelas pertama. Berapa peratus pelajar-pelajar IPTA mendapat kelas pertama berbanding dengan pelajar IPTS. Adakah terdapat perbezaan trend pembayaran balik pinjaman antara pelajar IPTA dan IPTS.
42. PR-1313-L57214  
**Dato' Haji Mohd Zaim bin Abu Hasan [ Parit ]** minta **MENTERI KOMUNIKASI DAN MULTIMEDIA** menyatakan adakah program-program yang sedia ada telah memadai untuk menjadikan rakyat Malaysia menjadi rakyat yang patriotik. Apakah usaha jangka panjang yang perlu diambil oleh Kerajaan bagi menjadikan rakyat Malaysia lebih patriotik lagi.
43. PR-1313-L57301  
**Dr. Azman bin Ismail [ Kuala Kedah ]** minta **MENTERI PERTANIAN DAN INDUSTRI ASAS TANI** menyatakan apakah penswastaan BERNAS dianggap telah menguntungkan rakyat dan negara. Kalau menguntungkan, daripada aspek mana dan kalau tidak, adakah Kerajaan bersedia membatalkan penswastaan BERNAS.

44. PR-1313-L58655  
**Dr. Ko Chung Sen [ Kampar ]** minta **MENTERI SAINS, TEKNOLOGI DAN INOVASI** menyatakan mengenai rancangan pembuangan sisa pepejal oleh Lynas untuk menubuhkan Permanent Disposal Facility (PDF) dan tempat-tempat yang dipilih dan juga sama ada Bukit Merah di Perak turut dipilih sebagai salah satu lokasinya.
45. PR-1313-L57745  
**Tuan Nga Kor Ming [ Taiping ]** minta **MENTERI KEWANGAN** menyatakan apakah pelan tindakan dan rancangan Kerajaan untuk menangani masalah penyeludupan rokok dan arak yang mengakibatkan Malaysia hilang lebih RM1.9 bilion hasil cukai setahun.
46. PR-1313-L58764  
**Tuan Julian Tan Kok Ping [ Stampin ]** minta **MENTERI KEWANGAN** menyatakan jumlah serta senaraikan peruntukkan bagi Composite Technology Research Malaysia (CTRM) setakat ini, bermula dari tahun pertama sehingga sekarang dalam pembangunan technology UAV. Apakah spesifikasi UAV buatan CTRM pada masa kini, terutamanya UAV induk, dari segi *endurance* serta kemampuan muatan *payload*.
47. PR-1313-L57630  
**Tuan Sim Tze Tzin [ Bayan Baru ]** minta **PERDANA MENTERI** menyatakan harga Liquefied Natural Gas (LNG) yang dijual kepada Independent Power Producer (IPP) pada tahun 2013. Apakah rasional harga jual LNG kepada IPP ditetapkan sejak 1997. Adakah subsidi kepada IPP akan dirasionalisasikan sejajar dengan pemotongan subsidi petrol kepada rakyat biasa.
48. PR-1313-L58246  
**Tuan Tan Kok Wai [ Cheras ]** minta **PERDANA MENTERI** menyatakan jumlah peruntukan yang diluluskan bagi projek-projek pembangunan oleh berbagai Kementerian di kawasan Parlimen Cheras bagi tempoh 2008-2012. Senaraikan projek-projek yang dimaksudkan dengan peruntukan terperinci.
49. PR-1313-L57637  
**Tuan Gobind Singh Deo [ Puchong ]** minta **MENTERI DALAM NEGERI** menyatakan kesediaan YAB Perdana Menteri untuk mendedahkan identiti penembak yang telah menembak Puan Pua Bee Chun, yang mana disyaki seorang anggota polis dan sama ada akan diambil tindakan terhadap mereka berkenaan insiden tersebut.
50. PR-1313-L58543  
**Tuan Chong Chieng Jen [ Bandar Kuching ]** minta **MENTERI KEWANGAN** menyatakan apakah syarat-syarat terperinci mengenai pinjaman *off-shore* sejumlah US\$1.6 billion yang dipinjam oleh Kerajaan Negeri Sarawak melalui syarikat-syarikat subsidiarinya yang pinjaman itu diuruskan melalui bank-bank *off-shore* Labuan dalam tahun 2011 dan 2012. Adakah pengurusan dan penggunaan wang pinjaman itu di seliakan oleh audit negara.



51. PR-1313-L57093  
**Dato' Seri Ong Ka Chuan [ Tanjong Malim ]** minta **MENTERI SUMBER MANUSIA** menyatakan apakah langkah dan perancangan jangka panjang dalam melatih tenaga manusia tempatan supaya negara kita tidak terlampau bergantung kepada pekerja asing.
52. PR-1313-L58911  
**Tuan Zairil Khir Johari [ Bukit Bendera ]** minta **PERDANA MENTERI** menyatakan semua projek di bawah JPM yang membabitkan lantikan juru runding luar seperti McKinsey, senarai penuh juru runding yang dilantik serta berapakah kos yang dibayar untuk khidmat nasihat mereka.
53. PR-1313-L57932  
**Datuk Seri Panglima Haji Abdul Ghapur bin Haji Salleh [ Kalabakan ]** minta **MENTERI DALAM NEGERI** menyatakan berapa banyak premis dan pemilik perjudian haram di Sabah yang telah diberkas, didakwa dan dihukum.
54. PR-1313-L57704  
**Tuan Seah Leong Peng [ Telok Intan ]** minta **MENTERI PENDIDIKAN** menyatakan selaras dengan pelaksanaan 1BestariNet di sekolah-sekolah, adakah ada peruntukan bantuan komputer diberikan pada sekolah-sekolah bantuan modal yang masih tidak mempunyai makmal komputer. Jika peruntukan itu ada disalurkan, nyatakan statistik mengikut negeri dan sekolah yang menerima.
55. PR-1313-L58362  
**Tuan Haji Khalid bin Abdul Samad [ Shah Alam ]** minta **MENTERI PENGANGKUTAN** menyatakan keberkesanan pelaksanaan peraturan yang mewajibkan memasang lampu motosikal di siang hari.
56. PR-1313-L57682  
**Dato Sri Dr. Muhammad Leo Michael Toyad Abdullah [ Mukah ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah kriteria dan dasar untuk mengagihkan pembinaan perumahan.

### **ATURAN URUSAN MESYUARAT DAN USUL-USUL**

1. **Menyambung Semula Pertimbangan Rang Undang-undang Perbekalan 2014 (D.R.21/2013) dan Usul Anggaran Perbelanjaan Pembangunan 2014 seperti berikut:-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh enam bilion empat ratus sembilan puluh sembilan juta sembilan ratus sembilan puluh sembilan ribu ringgit (RM46,499,999,000) dibelanjakan daripada Kumpulan Wang Pembangunan bagi tahun 2014, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2014, yang dibentangkan sebagai Kertas Perintah 42 Tahun 2013, adalah diuntukkan di bawah Maksud-maksud yang berkenaan jumlah-jumlah yang bersempena dengan butiran-butiran itu di ruangan enam dan tujuh senarai tersebut.”

#### **Dalam Jawatankuasa Sebuah-buah Majlis (14 November, 2013)**

- |    |                |   |                               |
|----|----------------|---|-------------------------------|
| 2. | (D.R. 22/2013) | Rang Undang-undang Kewangan (No. 2) 2013  | <b>Bacaan Kali Yang Kedua</b> |
|    |                | <b>[ Menteri Kewangan ]</b>   |                               |
| 3. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “                             |
|    |                | <b>[ Menteri Dalam Negeri ]</b>   |                               |
| 4. | (D.R. 16/2013) | Rang Undang-undang Rumah Perjudian Terbuka (Pindaan) 2013                               | “                             |
|    |                | <b>[ Menteri Kewangan ]</b>   |                               |
| 5. | (D.R. 17/2013) | Rang Undang-undang Loteri (Pindaan) 2013  | “                             |
|    |                | <b>[ Menteri Kewangan ]</b>   |                               |
| 6. | (D.R. 18/2013) | Rang Undang-undang Pertaruhan Pool (Pindaan) 2013                                       | “                             |
|    |                | <b>[ Menteri Kewangan ]</b>   |                               |

7. (D.R. 15/2013) Rang Undang-undang Lambang dan Nama  
(Mencegah Penggunaan Tak Wajar)  
(Pindaan) 2013 “

**[ Menteri di Jabatan Perdana Menteri ]**

8. (D.R. 10/2013) Rang Undang-undang Kanun Tatacara  
Jenayah (Pindaan) 2013 “

**[ Menteri di Jabatan Perdana Menteri ]**

9. (D.R. 12/2013) Rang Undang-undang Keterangan  
(Pindaan) 2013 “

**[ Menteri di Jabatan Perdana Menteri ]**

10. (D.R. 19/2013) Rang Undang-undang Fi (Jabatan Muzium  
Malaysia) (Pengesahan) 2013 “

**[ Menteri Pelancongan dan Kebudayaan ]**

11. (D.R. 20/2013) Rang Undang-Undang Dadah Berbahaya  
(Pindaan) 2013 “

**[ Menteri Kesihatan ]**

12. PR-1313-U58205

**Datuk Madius Tangau [ Tuaran ]** akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar. Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

**( Perdana Menteri )**

13. PR-1313-U59118

**Tuan Zairil Khir Johari [ Bukit Bendera ]** akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

**( Kementerian Pendidikan )**

14. PR-1313-U57786

**Tuan M. Kulasegaran [ Ipoh Barat ]** akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

**( Kementerian Sumber Manusia )**

15. PR-1313-U58419

**Tuan Fong Kui Lun [ Bukit Bintang ]** akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

**( Perdana Menteri )**

16. PR-1313-U58420

**Tuan Fong Kui Lun [ Bukit Bintang ]** akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

**( Perdana Menteri )**

17. PR-1313-U58688

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

**( Kementerian Dalam Negeri )**

18. PR-1313-U58691

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

**( Kementerian Pendidikan )**

19. PR-1313-U59119

**Dr. Tan Seng Giaw [ Kepong ]** akan mencadangkan:-

"Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden."

**(Menteri Kesejahteraan Bandar, Perumahan dan Kerajaan Tempatan)**

20. PR-1313-U59120

**Dr. Tan Seng Giaw [ Kepong ]** akan mencadangkan:-

"Bahawa Dewan ini mendebatkan dasar dan langkah untuk menangani kemalangan jalan raya di negara ini."

**( Menteri Pengangkutan )**